

**102. fundur Skóla- og frístundaráð, haldinn í fundarherbergi 3. hæð, Stillholti 16-18,
19. mars 2019 og hófst hann kl. 16:00.**

Fundinn sátu:

Bára Daðadóttir formaður, Ragnar B. Sæmundsson varaformaður, Þórður Guðjónsson varamaður, Arnbjörg Stefánsdóttir áheyrnarfulltrúi skólastjóra grunnskóla, Sigurður Arnar Sigurðsson áheyrnarfulltrúi skólastjóra grunnskóla, Anna Kristjánsdóttir áheyrnarfulltrúi foreldra grunnskólabarna, Brynhildur Björg Jónsdóttir áheyrnarfulltrúi leikskólastjóra, Sýlvía Hera Skúladóttir áheyrnarfulltrúi foreldra leikskólabarna, Valgerður Janusdóttir sviðsstjóri skóla- og frístundasviðs og Friðbjörg Eyrún Sigvaldadóttir verkefnastjóri.

Fundargerð ritaði: Valgerður Janusdóttir, sviðsstjóri skóla- og frístundasviðs.

Fyrir tekið:

1. 1902236 - Ársskýrsla leikskólanna 2017-2018 (starfsáætlun, sérkennsla o.fl.)

Kynning á ársskýrslu leikskólanna 2017-2018.

Anney Ágústadóttir leikskólastjóri, Ingunn Ríkharðsdóttir leikskólastjóri, Björg Jónsdóttir áheyrnarfulltrúi stjórnenda í leikskóla og Sýlvía Hera Skúladóttir áheyrnarfulltrúi foreldra barna í leikskóla sitja fundinn undir þessum lið.

Skóla- og frístundaráð þakkar leikskólastjórum fyrir ársskýrslur leikskólanna fyrir skólaárið 2017-2018.

Ráðið leggur til að sú breyting verði á að hætt verði að leggja fyrir ársskýrslur leikskólanna en í staðinn komi til kynningar í ráðinu starfsáætlanir leikskólanna í samræmi við lög um leikskóla. Starfsáætlanir verði kynntar á haustmánuðum 2019. 14. gr. í lögum um leikskóla frá 2008 nr. 90 frá 12. júní.

„Leikskólastjóri gefur árlega út sérstaka starfsáætlun. Í starfsáætlun er gerð grein fyrir árlegri starfsemi leikskóla, svo sem skóladagatali og öðru því sem varðar starfsemi leikskólans.

Skólanámskrá og starfsáætlun skulu staðfestar af nefnd skv. 2. mgr. 4. gr., að fenginni umsögn foreldraráðs, og skulu þær kynntar foreldrum.“

2. 1903185 - Grundaskóli - færánleg skólastofa

Lagt fram minnisblað skipulags- og umhverfissviðs vegna færánlegrar kennslustofu við Grundaskóla.

Sigurður Arnar Sigurðsson áheyrnarfulltrúi stjórnenda í Grundaskóla og Anna Kristjánsdóttir áheyrnarfulltrúi foreldra barna í Grundaskóla sitja fundinn undir þessum lið.

Karl Jóhann Haagensen verkefnastjóri á umhverfis- og skipulagssviði fór yfir minnisblað.

Skóla- og frístundaráð leggur til við bæjarráð að byggð verði ný kennslustofa við „Eyjuna“ við Grundaskóla fyrir upphaf skólaársins 2019, leið 3 í minnisblaði, og elsta kennslustofan verði tekin úr umferð en haldið í salernin og aðstöðu fyrir ræstingu og sá hluti húsnæðisins verði lagfærður.

30

Tillögunni vísað til bæjarráðs.

3. 1811222 - Samstarf við FVA- húsnæðismál

Fjallað um þær upplýsingar sem nú liggja fyrir.

Arnbjörg Stefánsdóttir áheyrnarfulltrúi stjórnenda í Brekkubæjarskóla, Sigurður Arnar Sigurðsson áheyrnarfulltrúi stjórnenda í Grundaskóla og Anna Kristjánsdóttir áheyrnarfulltrúi foreldra barna í Grundaskóla sitja fundinn undir þessum lið.

Skóla- og frístundaráð telur mikilvægt að umræða um framtíðarlausnir í húsnæðismálum grunnskólanna fái góðan tíma og að ekki verði farið í stórar breytingar á skólastarfi grunnskólanna skólaárið 2019 - 2020. Lagt er til að Ársæll Már Arnarsson prófessor á Menntavísindasviði, sem stýrði rýnifundum með starfsfólki grunnskólanna og foreldrum, komi inn á fund ráðsins 2. apríl og fylgi eftir samantekt rýnifunda.

Skóla- og frístundaráð leggur til að haldið verði áfram vinnu við að finna lausn á húsnæðismálum Grundaskóla fyrir skólastarf haustið 2020. Með viðbótarkennslustofu við Grundaskóla haustið 2019 er komin áfangalausn húsnæðismála fyrir skólaárið 2019 - 2020.

4. 1903167 - Erindi frá skólastjórum grunnskólanna varðandi starf

Erindi frá skólastjórum grunnskólanna varðandi starf.

Arnbjörg og Sigurður Arnar sitja áfram undir þessum lið.

Skóla- og frístundaráð samþykkir að vísa beiðni skólastjóra til bæjarráðs.

5. 1902095 - Starfshópur um framtíðarskipulag mötuneytismála

Umfjöllun um erindisbréf.

Skóla- og frístundaráð samþykkir erindisbréf og vísar því til bæjarráðs.

Fleira ekki gert, fundi slitið kl. 19:00.

Bara Dáscdóttir
Ragnar Sæmund
Jóhanna
Valgerður Gunnadóttir